

四川府縣志輯

中國地方志集成

道光邛江縣志
乾隆雅州府志

中國地方志集成

四川府縣志輯 ⑥③

道光通江縣志

乾隆雅州府志

巴蜀書社 ● 江蘇古籍出版社 ● 上海書店

中國地方志集成

四川府縣志輯 ⑥③

出版 巴蜀書社

(成都鹽道街三號)

印刷 成都東方福利彩印廠

發行 四川省新華書店

責任編輯 施維
封面設計 范一辛
(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

纂修通江縣志序

通邑山川之秀人物之奇
物產財賦之豐饒名勝古
蹟之赫著太常李雪原先
生言之詳矣後學無所置
議惟是嘉慶二年教匪擾
亂通之忠孝節義實不乏

通江縣志

序

人迄今五十餘載何寂寂
無聞焉夫邑有名賢使之
湮滅不彰官之過也然嘉
慶年間民氣未復招來安
集調劑頗費經營厥後或
以歲歉或以事繁或官不
久於其任前之人所以未

遑舉行者皆有所由也余

自壬寅來通於今六年矣
幸值歲豐民安時暇事簡
際此而不修更待何時而
修爰邀諸君子告以修志
之志諸君子皆欣然喜曰
發潛德而揚幽光吾邑之

通江縣志

序

榮多矣公果有意惟命是
聽乃請廣文陳瑞生山長
鄧範之主筆削少尉陳啓
東致仕馮安瀾職員蒲卓
亭督工作選拔楊月溪等
或纂修或校對各分其事
自丁未孟秋開局至戊申

孟春而功告成噫是書也
大致皆雪原先生之力也
予不敢掠美至於近年諸
事雖倡議自予要亦分所
當爲又何力之有焉况其
中不無遺漏抱歉尙多乎
哉

通江縣志

序

三

皆

大清道光二十八年歲次戊申
孟春既望襄平錫檀時輻
氏撰



通江縣志舊序

志可信乎史可信乎曰作史者本之志修志者按
之史史以傳信而志又以信夫史者也凡一代之
禮樂刑政山川人物戶口關梁租賦治亂史書之
而必據乎志故修志者必取生于其地之賢達多
聞者纂輯之而成書而其人亦自本其生平所聆
於祖父之訓說師友之談論耳目之間見身心之
閱歷舉所謂禮樂刑政山川人物戶口關梁租賦
治亂之故一一紀述之以成書有司視其成而上

通江縣志

卷之一序

之郡大夫上之藩臬上之中丞乃彙而遞之於廷
天子乃命儒臣綜核其疎密而加以令甲焉時有
事于修一代之史史臣亦必卽是書而潤色損益
於是歸然成一代之史是欲知千百代之事必考
于史而史實本志志以邑人修邑志郡人修郡志
庸有不可信者乎予生也晚聞見寡陋足跡所到
可里計也所讀之書可手按也戊申

康熙之春邑侯蘄水王公奉上檄修志屬其筆于予維
時舊志之殘闕者尙存半帙而邑中長老尙有數

人工公復好學君子凡古蹟所在必蒐討訪輯每
一事詢之故老質之石刻與舊帙之可讀者合則
登之于莢否則闕以俟考闕一載餘稍成完書未
付剞劂而予以銓次赴京王公尋以量移去原苴
之稿付之小吏無何而滇亂及蜀俱爲煨燼去年
秋邑侯陸公復奉

命修志適予以罷官來歸又與其事在上者督索嚴迫
不遑搜討予及一二同志在嘉祐寺中刻期七八
日而成書較之往年所修其難易得失必大有間

通江縣志

卷之一序

二

矣雖然上以名求予固不敢以臆說辱命乃據史
採輯補綴會萃庶無墜荒邑之典云爾乃綜其可
議者有五按一統志謂通江舊屬萬州而史不書
一也東坡指掌謂壁州宋開寶五年廢史書謂雍
熙四年廢而邑南碑碣天寶五年尙有壁州刺史
馬翔二也縣本壁州屬縣六符陽白石始寧廣納
諾水東巴矣而邑北舊縣坪石刻有萬戶縣不八
史志三也一統志謂後魏置始寧縣而魏志不載
四也吳大將軍甘寧臨江人考臨江今忠州也而

寧墓在邑之西碑上大書臨江人五也夫史本于
志志失其傳必考之史史猶若是其舛誤也將安
所取信乎予惟以見聞所及姑撮其畧于編以俟
後之君子邑七十三叟李蕃錫徵父題時

康熙三十年歲在甲戌

通江縣志

卷之一

序

三

通江縣志目錄

邑人李鍾義雪原輯次
邑令錫植樸庵增訂

第一卷

天文志

星野

第二卷

輿地志

建置

疆域

形勢

山川

津渡

城池

公署

關隘

橋梁

古蹟

通江縣志

卷之一 目錄

壇廟

寺觀

坊表

第三卷

食貨志

戶口

賦稅

倉儲

蠲賑

第四卷

學校志

祀典

儒學

書院
考棚

義學
附

風俗

第五卷

武備志

兵制

武功

鋪遞

祠寨

第六卷

職官志

文職

武職

第七卷

選舉志

進士

舉人

貢生

武科

散職

第八卷

通江縣志

卷之一 目錄

人物志

忠孝

節孝

鄉賢

流寓

第九卷

藝文志

文

詩

第十卷

物產志

各類附

百穀

竹木

器貨

藥物

禽獸

鱗介

第十一卷

仙釋志

仙釋

第十二卷

祥異志

祥異

第十三卷

藝文續編

第十四卷

通江縣志

卷之一 目錄

三

白石紀事

第十五卷

各類補遺

通江縣志卷之一

天文志

星野

吾心之天覆廣高冥云何茲邑井鬼熒熒體國經野務辨分星按時審位因象圖形江漢之游梁洋之垌庶徵攸驗六府咸寧此作彼應高鑒申聽敬哉微顯察厥精靈志星野

通江縣志

卷之一

星野

禹梁州之域地兼秦蜀天文井鬼之分通界秦蜀其天文當準諸此邑巴蜀分井鬼參漢巴郡入參八度晉劍南道分井鬼唐井鬼之次入參七度府志

星野考

李藩

舊志曰古壁州居鷄首之次天文井鬼分野入參七度按班固天文志觜觿參益州東井輿鬼雍州按東坡指掌天象分野圖云觜參星曰實沈州曰益宮曰陰陽時曰中是益為實沈之次也井鬼星曰鷄首州曰雍宮曰巨蟹時曰未是雍為鷄首之次也而唐史謂觜觿參伐實沈也白畢十度餘八

邑人李鍾鼎雪原
邑令錫 趙懷施 趙懷德

共三頁

百四十一抄四之一參七度終東井十一度爲秦
晉其地上應天關東井與鬼鶉首也自東井十二
度餘二千一百七十二抄十五太中東井二十七
度終柳六度自漢三轉及北地上郡盡巴蜀漢中
之地古秦梁芮豐扈密庸蜀羌茅之國自漢中東
盡華陽與鶉首相接又謂興元府下金洋鳳與利
集壁巴等二十州爲鶉首由此舊志所以謂爲井
鬼分野也又按二十八辰分野之圖云自畢十二
度至井十五度爲實沈而分注之云益州永興河
東河西北路是自井十六度至柳八度爲鶉首而
分注之云雍州永興五路及四川是似以益與四
川分爲二而纏度幾不可考今按晉志十二次度
數及州郡纏次以十二辰配十二野則通江而上
如保寧似非井鬼分野也今以猪參井鬼之次言
之本圖云益州入參七度廣漢入猪四度越嶲入
猪三度蜀郡入參一度犍爲入參三度牂牁入參
五度巴郡入參八度漢中入參九度未嘗爲井鬼
也而井鬼爲秦雍州雲中入井一度定襄入井八

度上黨入與鬼二度是井鬼爲秦分而猪參爲蜀
川無疑惟以輿地驗之猪參爲魏分魏在三河之
間越秦漢而與蜀益同一分野是難以語辨即入
參七度以巴郡漢中之分考之亦微有不合噫人
無甘石之學而欲試推步之法其不爲識者所笑
乎謹因所見而附於後以俟後之君子
史記正義星經云畢猪參魏之分野益州東井與
鬼秦之分野雍州猪參應爲實沈之次其曰鶉首
從唐書也虞書分命四仲各宅其土使推測考驗
欽天授時由來舊矣人事作於下天象昭於上稷
祥之著厥有攸感可弗敬歟

通江縣志凡例

邑人李鍾異雪原輯次
邑令錫 精標庶增訂

凡例

一縣志一書以視一統志九域志名勝志明統志通志總志蜀志華陽國志及益州記梁州記寰宇記廣輿記九州要記方輿勝覽輿地紀勝山海經水經注並通鑑通典通考綱目廿一史諸籍直太倉一稊耳其有無似不足為重輕然其中星野建直山川人物上而禮樂征伐下而忠孝節義以至學

通江縣志

卷之一 凡例

四

校兵制田賦戶口無不備載較諸歷代史志似更詳切故此書亦不可不有也

一通江僻處山陬明季以來數十年疊經兵燹幾無

人烟

國初又值滇變所有舊日縣志人被摧殘二百年間未能修刻嘉慶元年復遭教匪擾亂十餘載未熄邑中文獻致慨闕如今日之志僅據李芝麓太史志稿及保寧府志二書補綴成編愧勦襲其何辭知疎蕪之不免閱者恕之

一凡山川古蹟今昔殊名人物代更傳文鮮實一切事紀止按陳編姑妄言而妄聽且存疑以質疑無庸私為臆斷

通江山水之勝無若秋錦山三潮水此二處山水真通邑一奇觀也秋錦不知起名何時按宋何公炎寅壁山安公祠記秋冬之交霜葉翻丹爛如錦繡是秋錦即壁山也盛夏又名翠屏潮水之期無定或數月不潮或一日三潮非有靈異何以至是但不如海潮之有信耳然水出河岸平坡非在崖石今欲徒秋錦於公山遷潮水於崖罅則失其實矣不敢附會

通江縣志

卷之一 凡例

五

一星宿分野之說古今迄無定論保寧府志謂通江井鬼分野鶉首之次而班固天文志謂鶉首參益州東坡指掌天象分野圖亦謂鶉參星日實沈州曰益通江似為實沈之次非鶉首之次唐史謂漢中東盡華陽與鶉首相接巴壁等十二州皆為鶉首通江宜為井鬼分野而晉志謂以十二辰配十二野通江又似為鶉參分野非井鬼分野而明史

天文志又謂四川惟綿州分合州參井分餘皆井鬼分聚訟紛紛未知孰是存之以備參考

他志無洞寨一條而通江所以獨載者竊有見夫

洞寨惟利於官民不利於盜賊洵禦寇安民之要

地也曾鑒嘉慶初年羣盜犯通十載或數月一至

或一月數至或路隔二三百里乘夜起至出其不

意搜人掠食邑民先紮洞寨者免害八九未紮洞

寨多被殘害此一利也且洞寨不但能屯官軍之

糧抑又能阻流寇之路賊勢既衰經過洞寨者鄉

通江縣志 卷之一 凡例

六

民每斷其頭而截其尾平寇之功洞寨居半此二

利也至於賊據洞寨被兵圍困不能出而掠食更

易剪除如冉文儔據通江之麻壩寨被誅羅其清

入巴州之蔡家洞被捉皆其明徵也由此觀之是

誠利於民而不利於賊故不可以不志

一卷中名宦一條舊志稿已將各官政蹟可紀者隨

註職官條下及志名宦之處反有單載其名若無

一事可紀者如此則安有職官名宦之別不若徑

將後條刪去

邑中人上無論科第散秩凡有例得封蔭者俱應

附載本人職銜名下但其中參差不等虛實難稽

不敢妄載容俟採訪真卽陸續補入

一舊志稿有祥吳一條恐涉妄誕姑直卷後以俟參

詳

卷中忠孝節義鄉賢古蹟其年代之遠近清事之

重輕多無倫次以採訪遲早不一到來隨時付梓

不及編序故也閱者鑒之

一卷中藝文只就有關通江者採入或志其人或志

通江縣志 卷之一 凡例

七

其地或志其時與事不拘拘論其體例較其工拙

若必細論文章則宋艷班香蘇海韓潮俱在固無

庸覷此管斑也

一通邑志書久廢前代之山水古蹟科第人物不無

外錯漏遺雖陸續增補改正未必遠能完備以俟

一卷中割股割肝一條固爲理所不該且爲法所必

禁而人士紛紛求載者不過以其愛親之誠救親

之切而已不可爲訓也然其心可諒其愚可矜錄

附成仁取義竭力致身之間以爲惜物薄親者勵

宋

乾德三年孟氏盡得梁州地分利州等四路
乾德四年省盤道歸仁等軍以通江隸巴州
開寶五年省壁

元

川白石符陽
太宗八年潤端斬宋統制曹友文於陽平關
十一年增海取閬遠等州世祖至元二年所
得州土官向良內附令移戍通江二十八
廢新得州置通江縣初有上通江下通江
縣至元二十年並入晉口尋復置順帝元統
五年明玉珍據重慶二十八年王珍死了

明

太祖洪武四年命中山侯湯和潁川侯傅友
德伐明昇取之置通江縣屬巴州武宗正德
五年賊藍廷瑞等破通江巡撫林俊討平之
駐兵得漢城四載懷宗崇禎六年流賊入巴
通十年十月李自成入川十一月
二月洪承疇敗之自成走商洛

通江縣志

卷之一 沿革表

十

朝本

順治二年誅張獻忠取西川八年九月
備行辛卯鄉試仍口通江縣屬保寧府


序
圖

野
之
圖


通江縣志

卷之一 圖形


一




紅興 縣固



書 錄
 牘 紅
 圖 鼎



紅 縣 城 固



文廟圖

紅縣

